



The Holy See

IOANNES PAULUS PP. II LITTERAE APOSTOLICAE **ESSE MORTALES BEATA MARIA VIRGO**
FATIMENSIS PATRONA DIOECESIS
FRANCISCOPOLITANAЕ (IN ARGENTINA) COMPROBATUR;
S. FRANCISCUS ASSIENSIS, PATRONUS URBIS CAPITIS EIUSDEM DIOECESIS Ad
perpetuam rei memoriam. – Esse mortales in hoc terrestri itinere innumeris obnoxios periculis, atque idcirco egere eos,
praeter quam quod cauta prudentia, etiam sanctorum caelitum ope, id et omnibus Christifidelibus persuasum est, et
maxime illis cognitum, qui divina dispositione in Ecclesia praesunt, id est Episcopis: omnibus enim usu fere cotidiano
sciunt experti, quam proni ad mala sint homines, quantaque difficultate recte vivant. Qua motus consideratione
Venerabilis Frater Augustinus Adolfus Herrera, Episcopus Franciscopolitanus, id ab Apostolica Sede petiit, ut
beatissimam Virginem Mariam Fatimensem, quam populus illius regionis summa pietate prosequitur, ceu Patronam
dioecesis confirmaret, S. Franciscum vero Assiensem, cui cathedrale templum dicatum est, Patronum civitatis vulgo
«San Francisco», quos cleris populisque tales elegissent, ipse probavisset, ad normam nempe Instructionis de
Calendariis particularibus atque Officiorum et Missarum Propriis recognoscendis, n. 30; Nos, explorato omnia fuisse ad
iuris leges peracta, ac rati posse hoc beneficium nonnihil animos, fluxarum rerum amore raptos, ad aeterna erigere quae
non pereunt, admotis praecibus libenter concedimus. Quo re, iis probatis, quae Sacra Congregatio pro Cultu Divino de re
censuit, factis olim a Nobis potestatibus, placet beatissimam Virginem Fatimensem esse et haberi dioecesis
Franciscopolitanae Patronam, S. Franciscum autem Assiensem Patronum civitatis eiusdem dioecesis capitis, factis
scilicet iuribus et privilegiis Liturgicis consequentibus. Quod tum sacro Praesuli, tum eius gregi sit felix. Contrariis nihil
obstantibus. *Daturo Romae, apud Sanctum Petrum, sub anulo Piscatoris, die XVII mensis Ianuarii, anno MDCCCCLXXV,*
Pontificatus Nostri septimo. AUGUSTINUS Card. CASAROLI, a publicis Ecclesiae negotiis © Copyright 1985 - Libreria
Editrice Vaticana
